





原件短缺

1~2頁

唐崔峒博陵人舉進士為拾遺集賢學士  
終於州刺史或云終於武元命唐文  
藝傳云終於右補闕大曆才子之一  
詩一卷



唐崔峒詩集目錄

卷之一

五言律詩

揚州選蒙相公賞判雪後呈上

客舍書情寄趙中丞

客舍有懷因呈諸在事

書懷寄揚郭李王判官

奉和給事寓直

初入集賢院贈李獻仁曾於常山

聯官

酬李補闕雨中寄贈

初除拾遺酬丘二十二見寄

劉展下判官相招以詩答之

送侯山人赴會稽

宿禪智寺上方演大師院

題空山人石室

登蔣山開善寺

題崇福寺禪院

秋晚送丹徒許明府赴上國因寄

江南故人

送薛仲方歸揚州

送常員外還京

潤州送友人

送張芬東歸

送蘇脩遊上饒

送陸明甫之盱眙

江南迴逢趙曜因送任十一赴交

城主簿

送薛良史往越州謁從叔

送丘二十二之歸蘇州

登潤州芙蓉樓

卷之二

五言排律

寄上禮部李侍郎

卷之三

七言律詩

書情寄上蘇州常使君兼呈吳縣

李明府

贈同官李明府

贈竇十九

處州見鄭表新詩因以寄贈

贈元秘書

送常八少府判官歸東京

送馮八將軍奏事畢歸滑臺幕府

送王侍御佐婺州

赴中送王使君赴江華

送皇甫冉往白田

卷之四

七言絕句

題蘭若

送賀蘭廣赴選

唐崔峒詩集目錄終

唐崔峒詩集卷之一

唐集賢學士博陵崔峒著

監察御史河中劉成德編輯

刑部郎中江都蕭海校正

五言律詩

揚州選蒙相公賞判雪後呈上

自得山公許休耕海上田  
慚看長史傳欲棄釣魚船  
窮巷殷憂日蕪城雨雪天  
此時瞻相府心事比旌懸

客舍書情寄趙中丞

東楚復西秦浮雲類此身  
關山勞策蹇僮

僕慣投入孤客來千里全家託四鄰生涯  
難自料中夜問情親

客舍有懷因呈諸在事

讀書常苦節待詔豈辭貧暮雪猶驅馬  
晡食又寄人愁來占吉夢老去惜良辰  
延首平津閣家山日已春

書懷寄揚郭李王判官

慣作雲林客因成懶慢人吏欺從政拙  
妻笑理家貧李郭應時望王揚入幕頻  
從容丞相閣知憶故園春

奉和給事寓直

桂枝家共折鷄樹代相傳黍向鸞臺下  
仍看鴈影連夜閑方步月漏盡欲朝天  
知去丹墀近明王許薦賢

初入集賢院贈李獻仁曾於常山聯

官

燕代官初罷江湖路便分九遷從命薄  
四十幸人聞跡愧趨丹禁身曾繫白雲  
何由返滄海昨日謁明君

酬李補闕雨中寄贈

十年隨馬宿幾度受人恩白髮還鄉井  
微官有子孫竹窓寒雨滴苔砌夜蟲喧  
獨媿



東垣友新詩慰旅魂

初除拾遺酬丘二十二見寄

一作初拜命酬

丘丹見贈

江海文垂綸朝衣忽掛身丹墀初謁帝白髮免羞人才愧文章士名當諫諍臣空餘薦賢力不敢負交親

劉展下判官相招以詩答之

國有非常寵家承異姓勲背恩慙皎日不義若浮雲但使忠貞在甘從玉石焚竄身如有地夢寐見明君

送侯山人赴會稽

客辭蘿月東來就一官且歸滄海住猶向白雲看猿叫江天暮蟲聲野浦寒時遊鏡湖裏為我把漁竿

宿禪智寺上方演太師院

石林高幾許金刹在中峯白日空山梵晴霜後夜鐘竹窓迴翠壁苔徑入寒松幸接無生法疑心怯所從

題空山人石室

早晚悟無生頭陀不到城雲山知夏臘猿鳥見脩行地僻無溪路人尋逐水聲年年深谷裏誰識遠公名

登蔣山開善寺

山殿秋雲裏香烟出翠微客尋朝磬食一作至  
僧背夕陽歸下界千門見前朝一作萬事  
非者心兼送日葭蒹暮依依

題宗福寺禪院

僧家更無事掃地與焚香清磬度山翠閑  
雲來竹房身心塵外遠歲月坐中長向晚  
禪室閉無人空夕陽

秋晚送丹徒許明府赴上國因寄

南故人

秋暮之彭澤籬花遠近逢君書前日

後此時重寒夜江邊月晴天海上峯還知  
南地客招引住新豐

送薛仲方歸揚州

佳句應無敵貞心不有猜一作慙為丈人  
行怯見後生才泛舸貪斜月浮撓值早梅  
綠楊新過雨芳草待君來

送常員外還京

十年離亂後此去若為情春晚香山綠人

稀豫一作穎水清野陂看獨樹關路逐殘鷺

前殿朝明主應憐白髮生

潤州送友人

見君還此地灑泪向江邊國士勞相問家  
書無處傳荒城胡關一作馬跡塞木成人煙  
一路堪愁思孤舟何渺然

送張芬東歸

喧喧五衢上鞍馬自驅馳落日臨阡陌貧  
交欲別離早知時事異豈與世人隨握手  
將何贈君心我獨知

送蘇脩遊上饒

愛爾無羈束雲山恣意過一身隨遠岫孤  
棹任輕波世事關情少漁家寄宿多蘆花  
淺泊處江月柰人何

送陸明甫之盱眙

陶令之官去窮愁慘別竟白煙橫海戍紅  
葉下一作淮村澹浪搖山郭平蕪到縣門  
政成堪吏隱免負府公恩

江南迴逢趙曜因送任十一赴交城

主簿

江上長相憶因高北望看不知携老幼何  
處度艱難屈指同人盡傷心故里殘遙憐  
驅足馬白首到微官

送薛良史往越州謁從叔

辭家年一作已父與子分偏一作深易得

相思思一作鄉泪難為欲別心孤雲隨浦口幾日到山陰遙想蘭亭下清風滿竹林

送丘二十二之歸一作蘇州

積水與寒烟嘉禾路幾千孤猿啼海島群鴈起湖田曾寄長沙什常嘗一作聞大雅篇却將封事去知爾愛意一作閑眠

登潤州芙蓉樓

上古人何在東流水不歸往來潮有信朝暮事成非烟樹臨沙靜雲帆入水稀郡樓多逸興良牧謝玄暉

唐崔峒詩集卷之二

五言排律

寄上禮部李侍郎

吳楚相逢處江湖共泛時任風舟去遠待月酒行遲白髮常全歎青雲本要期貴來君却少秋至老偏悲玉佩明朝盛蒼苔陋巷滋追尋恨無路唯有夢相思

唐崔峒詩集卷之三

七言律詩

書情寄上蘇州常使君兼呈吳縣李  
明府

數年湖上謝浮名竹杖紗巾遂性情雲外  
有時逢寺宿日西無事傍江行陶潛縣裏  
看花發庾亮樓中對月明誰念獻書來萬  
里君王深在九重城

贈同官李明府

訟堂寂寂對煙霞五柳門前聚曉鷗流水  
聲中視公事寒山影裏見人家觀風競羨

新為政計日還知舊應一作觸邪可惜陶潛  
無限酒興一作不逢籬菊正開花

贈竇十九

時公車  
長安

靈臺暮宿意多遠木落花開羨客歸  
江海幾時傳錦字風塵不覺化緇衣  
山陽會裏同人少灞曲農時故老稀  
幸得漢皇容直諫憐君未遇覺人非

處州見鄭表新詩因以寄贈

梅花嶺裏見新詩感激情深過楚詞  
平子四愁今莫比休文八詠自同時  
萍鄉露冕真堪惜鳳沼鳴珂已訝遲  
才子風流定

見湖南春草但相思

贈元秘書

舊書稍稍出風塵孤客逢秋感此身  
秦地謬為門下客淮陰徒笑市中也  
聞阮籍尋常醉見說陳平不義貧  
幸有故人茅屋在更將心事問情親

送常八少府判官歸東京

玄成世業紫真官文似相如貌勝潘  
鴻鴈南飛人獨去雲山一別歲將闌  
清淮水急桑林晚古驛霜多柿葉寒  
瓊樹相思何日見銀鈎數字莫為難

送馮八將軍奏事畢歸滑臺幕府

王門別後到滄州帝里相逢俱白頭自嘆  
馬卿常帶疾還嗟李廣不封侯棠梨宮裏  
瞻龍袞細柳營中看虎裘想到滑臺桑葉  
落黃河東注杏園秋

送王侍御佐婺州

江一浙蓋山府新除

聞君作尉一作不向江潭吳越風煙到自

諳客路尋常經竹逕一作隨人家大低傍

山嵐緣溪花木偏宜遠避池衣冠盡向一作

南惟有夜猿啼海樹思鄉望北一作意難堪

越中送王使君赴江華

皂蓋春風自越溪獨尋芳草桂陽西遠水  
浮雲隨馬去空山弱篠向雲低遙知異政  
荆門北舊許新詩康樂齊萬里相思在何  
處九疑殘雪白猿啼

送皇甫冉往白田

江邊盡日雉鳴飛君向白田何日歸楚地  
蕪葭連海迥隋朝楊柳映堤稀津樓故市  
無行客山館空庭閑落暉試問疲人與征  
戰使君雙淚定沾衣

唐崔峒詩集卷之四

七言絕句

題蘭若

絕頂茅菴老此生寒雲孤木獨經行  
世人那得知幽邃遙向青

中一作峯禮磬聲

送賀蘭廣赴選

而今用武爾攻文流輩干時獨卧雲  
白髮青袍趨會府定應衡鏡却慙君



唐苗發詩集卷之一

五言律詩

送司空曙之蘇州

盤門吳舊地  
蟬盡早秋時  
歸國人皆久  
移家君獨遲  
廣陵經水宿  
建業有僧期  
若到西霞寺  
應看江總碑

唐苗發詩集卷之二

七言

送孫諭德罷官

一作往黔州

孫公先

牧此州

因寄家在彼家

中歲分符典石城  
兩朝趨陛謁承明  
闕下昨陳歸老疏  
天南一作今切去鄉情  
親知握手三回別  
几杖扶身萬里行  
伯道暮年無嗣子  
欲將家事托門生

唐吉中字詩集卷之一

五言詩

送歸中丞使新羅冊立帛祭

官稱漢獨坐身是魯諸生絕域通王制窮  
天問水程島中分萬像日處轉雙旌氣積  
魚龍窟濤翻水浪聲路長經歲去海盡向  
山行復道殊方禮人瞻漢使榮

三才卷三



